


武進費伯雄先生編

怪疾奇方

众宝室藏版



全

光緒十年三月
刊印翻刻必究

六

卷五

...

武進費先生所著醫醕十四吳干卷

自序已遭火劫十一惟存贖義方編

風行海內已三十餘年矣十二冬後十三

毘陵友人談及先生之醫欣然曰

吾有奇方稿率是先生早年

手編因函假歸漢寫付之十四子茂宗

雖門外視其志怪賞奇承先聖
後詢日下和緩又先生子澤孫子
從賸義並垂不朽云

光緒十年三月众良室主人後



怪疾奇方目錄

蛇瘕二方

又方

米瘕嗜米

口內肉球

舌上出血

下部蟲蠹音匿

灸瘡飛蝶

豌豆斑瘡

臥忽不寤

足釘怪疾

破傷風

身腫如蛇狀

身有光色

口鼻氣出不散

久食豬羊血鼻中生毛

金瘡腸出

肉中惡毒

四肢節脫

冰毒中人

產後肉線

遍身波浪聲

遍身生瘰癧

人身作兩

身出斑毛

毛竅出血

血潰

頭風畏冷

咽喉生肉

腹如鐵石

應聲蟲

腋下瘤癭

截腸

腸頭挺出

玉莖強中

陰腫如斗

脫陽

血壅怪病

肉錐

四肢堅如石

髮癥二方

驚癥

鴨癥

肉人怪症

惡肉瘡毒

化生鰓魚

虱出怪病

頭腦鳴響

脇破腸出

金絲瘡

陽毒發狂

浸淫惡瘡

卒然舌腫

傷寒舌出

陰毒腹痛

忽然九竅流血

火珠瘡

笑病不休

眼睛突出

痘中有疔

喫飯直出

疫癘發腫

眉毛動搖

疔音品瘡如眼

大腸蟲出

肉癥

睛垂至毒

腦漏流血

舌卒腫大

心痛

舌短不能伸

小便溺五色石

大腿腫痛堅硬如石

食生米病

蟲食心痛

灸瘡出血

溺油

頭瘡出蛆

猫眼瘡

骨疽不愈

甲疽延爛

反花惡瘡

指頭腫毒

異疽似癰

火黃身熱

痘煉生蛆

血痔潰出

婦人異疾

魚臍疔瘡

兩足筋軟

產後舌出不收

接舌金丹

麻骨

鬼擊身青

驚後瞳斜

視物倒植

十指斷壞

筋肉化蟲

蛟龍瘕

鷄瘕

遍身發癢

遍身生疔瘡

背痛甄開

頭大如斗

頭角生瘡

心悶面赤

腹似坐胎

腹脇間忽長鱗甲

肚臍忽長似蛇尾形

腰長肉痕如帶

溺從肛出齒從腎出

腸胃作癢

胃腕作痛

指縫流血

手面現蛇形

手掌凸起

手指甲盡脫

手足皆脫不死

皮膚手足間如蚯蚓唱歌聲

脚肚長肉如瘤

脚板忽生二指

脚板色紅如火

唇蒼生牙

心窩外生瘡如鴛大

乳懸

無故見鬼

山魃木客作祟

麻藥

補缺唇

人面瘡

菌從口出

婦人經水逆行

鼻出紅絲

舌出不能入

舌尖咬禿

盤腸濕熱二方

又方

食螺成瘕

腹内生瘡不可治

疔走黃二方

又方

陰陽易

初生無皮二方

又方

慢驚

痺病

身如蟲行

嚙虱成癥

天火熱瘡

火赫毒瘡

煙燻欲死

怪疾奇方

武進費伯雄編

蛇瘕二方

見載車之人病噎塞食不下因使其取

餅店家蒜齏大酢三升飲之當自痊如言服
之果吐大蛇一條而愈

又方

一人常饑吞食則下至胸便吐出醫作噎隔治

性疾奇方
不效此因食蛇肉不消而致斯疾但揣心腹上有蛇形也視之果然用

硝黃合而服之微利卽愈

米瘦嗜米

好食生米久則成瘕不得米則吐清水得米亦不化用

白米三合雞茵一升同炒焦爲末水一升頓服少刻吐出瘕如米汁乃愈

口內肉球

有根如線五寸餘如釵股吐之乃能食物捻之
則痛徹心

麝香一錢研水服自消

舌上血出

如針孔者

淡豆豉三升水三升煮沸服一升日三服

下部蟲蠶

匿音

病人齒無色舌白喜睡憤憤不知痛癢或下痢
乃下部生蟲食肛也

桃仁十五枚苦酒二升鹽一合煑六合服愈

灸瘡飛蝶

因艾灸火瘡痂退落瘡內鮮肉片子飛如蝶狀
騰空飛去痛不可言是血肉俱熱怪病也用

朴硝大黃末各五錢水調下微利自愈

豌豆斑瘡

比藏有病天行發斑瘡頭面及身須臾周匝狀
如火燒瘡皆戴白漿隨決隨生不治數日必死
瘡後癥黯彌歲方滅此惡毒之氣所爲云晉元
帝時此病自西北流起名虜瘡以

蜜煎升麻時時食之並以水煮升麻綿蘸拭
洗

臥忽不寤

勿以火照之但痛嚙拇指甲際而唾其面則活

取

韭搗汁吹入鼻中冬月則用韭根

足釘怪疾

兩足心凸腫上生黑豆瘡硬如釘脛骨生碎孔
髓流出身發寒顛惟思飲酒此是肝腎冷熱相
吞用

炮川烏頭傅之內服韭子湯效

破傷風

剪他人指甲不拘長短十指俱剪下用新瓦
焙存性乳鉢研成麵洒牀上令病人臥下以
指甲麵冲熱酒鍾許至晚服之卽覆被睡取
微汗酒量大者服二鍾不可見風

身腫如蛇狀

遍身及頭面肉上浮腫如蛇狀取

背陰磚上青苔一錢水化開塗蛇頭卽消

身有光色

遍身及頭面發熱有光色他人手近之如火燒

用

蒜汁半兩酒調服卽愈

口鼻氣出不散

盤旋不散疑如黑蓋過十日漸至肩胛與肉相連堅勝金鐵多因瘡後得之煎

澤瀉湯日飲三盃五日乃愈

久食猪羊血鼻中生毛

痛不可忍

乳石礪砂等分丸臨臥服十九自落

金瘡腸出

用

小麥五升水九升煮取四升濾去滓待極冷
令病人臥蓆上含汁喫之腸漸入喫其背並
勿令知及多人人知則腸不入也乃擡蓆四
角輕搖使腸自入十日中略食美物忌驚動

肉中惡毒

肉中忽生一黧子大如豆粟或如梅李或赤或黑或白或青其黧有核核有深根應心能煉筋骨毒入臟腑即死飲

葵根汁可折其熱毒

按本草酸模條下云宜炙黧上百狀以酸模葉

薄其四面以防其長然後內服葵

四肢節脫

但有皮連不能舉動名曰筋解用

黃蘆三兩酒浸經宿焙灰每二錢酒調服即

愈

冰毒中人

一名中溪一名中溼一名木病似射工而無影
初得惡寒頭目微痛旦醒暮劇手足逆冷三日
則生蟲食下不癢不痛六七日蟲食五臟注下
不禁以

小蒜三升煮微熱浴身若生發赤斑勿以他
病治之

產後肉線

產時用力產後垂出肉線長三四尺觸之痛徹
心腹用

老薑連皮三斤搗爛入麻油二斤拌勻炒乾
先以熟絹五尺折作方結令人輕手捧起肉
線屈曲作三團納入陰戶以絹袋盛薑就薰
冷則易燻一日夜縮入大半二日盡入按此
乃魏夫人秘方線斷則不救矣

遍身波浪聲

遍身忽皮底渾渾如波浪聲癢不可忍搔之血
出謂之血奔用

人參苦杖青鹽細心各一兩剉作四劑每劑
水煎服

遍身生療疱

遍身生療疱如棠梨每箇破出水內有石片如
指甲大疱復生抽盡肌膚用

三稜蓬朮各五兩研末分三次酒調服自愈
人身作兩

自覺其形作兩人坐臥不辨真假不語問亦無
對乃是離魂用

辰砂人參白茯苓濃煎湯服真者氣爽假者
化之

身出斑毛

眼赤鼻張大喘渾身出斑毛髮如銅鐵乃目中

熱毒氣結於下焦用

白礬滑石各一兩爲末水煎服卽愈

毛竅出血

遍身毛竅節次血出若不出皮膨脹如鼓須臾
眼鼻口被氣脹合名脈溢飲

生薑汁一盞卽愈

血潰

目中白珠渾黑而視物如常毛髮堅直如鐵條

能飲食而不語用

五靈脂爲末湯服二錢卽愈

頭風畏冷

一人頭裹重棉三十年不愈用

蕎麥粉二升水和二餅更互合頭上微汗卽

愈

咽喉生肉

層層如疊漸漸腫起不痛多日乃有竅出臭氣

遂廢飲食用

臭橘葉

綱目名
枸橘

煎湯頻服自愈

腹如鐵石

臍中水出旋變作蟲行之狀遶身嘔啄癢痛難
忍撥除不盡

濃煎蒼朮湯浴之以蒼朮末入麝少許水調
服卽效

應聲蟲

人腹中忽生應聲蟲古人有將本草讀之蟲不
應聲者用之卽愈今岐天師用

生甘草白礬各等分煎飲卽愈

腋下瘤瘰

一老嫗右腋下生瘤漸長至尺許其狀如長瓠
久而潰練用

長柄茶壺盧燒存性研末搽之水出盡而愈

截腸

大腸頭出寸餘痛苦難堪乾則自落落後又出
出盡則死急宜用器盛

芝蔴油坐浸之飲大蔴子汁數升卽愈

腸頭挺出

秋冬搗

胡荽子醋煮熨之卽效

玉莖強中

精滑無歇時時如鍼刺捏之則脆名腎漏用

破故紙韭子各一兩為末每用三錢水二醖煎六分日三服乃止

陰腫如斗

人所不能治者以

生蔓菁子根搗煉封之

煉音爛
作爛非

脫陽

大吐大洩之後四肢厥冷不省人事或與女交後小腹痛外腎搐縮厥逆冷汗不止先以

葱白炒熱熨臍後以葱白三七莖搗煉用酒
煮灌卽回

血壅怪病

遍身肉出如錐旣癢且痛不能飲食名血壅若
不速治必潰濃血用

赤皮葱燒灰和水淋洗服豉湯自愈

肉錐

手足忽長倒生肉刺如錐痛不可忍食

癸菜自愈

四肢堅如石

寒熱不止經日後四肢堅如石以物擊之似鐘磬聲用

吳茱萸木香等分剉煎湯飲自愈

髮癥二方

油一升入香澤煎之盛置病人頭邊令氣入口鼻勿與飲之疲極眠睡蟲當從口出急以

石灰粉手捉取抽盡卽是髮也初出如不流
水中濃菜形 又云治胸喉間覺有癥蟲上
下嘗聞葱豉食香此乃髮癥蟲也二日不食
開口而臥以油煎葱豉令香置口邊蟲當出
以物引去之必愈

驚癥

平時嗜酒血入於酒則爲酒驚平時多氣血凝
於氣則爲氣驚虛勞錮冷敗血雜痰則爲血驚

搖頭掉尾如蟲之行上侵人咽下食人肛或附
脇背或隱胸腹大則如驚小或如錢治法惟用
蕪荑炒煎服之兼用煖胃益血理中之類乃
可殺之若徒事雷丸錫灰之類無益也

鴨瘰

宋元祐中有人食鴨成瘰以

秫米研水調服須臾煩燥吐出一鴨雛而愈

肉人怪症

人頂生瘡如櫻桃有五色自頂破裂至足名肉
人逐日飲

牛乳自消

惡肉瘡毒

一女子年十四腕軟處生物如豆半在肉中色
紅紫用

水銀四兩白紙二張揉熟蘸擦三日自落

化生鰕魚

怪疾奇方
三
口鼻腥臭流水以瓮盛之有鐵色鰕魚如粳米
大走躍不住以手捉之卽化爲水此肉壞也以
雞肉任意常食自愈

虱出怪病

人有臨臥渾身虱出血肉俱壞每夕漸多痛癢
難言且舌尖出血身齒俱黑唇動鼻開但飲

鹽醋湯半月卽愈

頭腦鳴響

狀如蟲蛙名大白蟻以

茶子爲末吹入鼻中卽效

脇破腸出

急以油抹入煎

人參枸杞汁淋之再喫羊腎粥十日卽愈

金絲瘡

形如繩線巨細不一上下至心卽死速於瘡頭

截住刺之出血嚼

浮萍塗之即效

陽毒發狂

陽毒溫毒熱極發狂發斑大渴倍常用

小麥奴梁上塵釜底煤竈突墨同黃芩蘇黃
硝黃等分爲末蜜丸彈子大名黑奴丸水化

服一丸汗出或微利即愈

麥奴乃麥穗將熟時上有黑穢者也

浸淫惡瘡

有汁多發於心不早治周身則殺人炒

稗米令黃黑杵末傅

卒然舌腫

咽喉閉塞卽時氣絕最危之症用

皂礬不拘多少瓦煨紅色放地上令冷研末
用鐵鉗拗開牙關以藥搽舌卽活

傷寒舌出

用

梅花片半分爲末隨手卽愈

陰毒腹痛

欬逆唇青卵縮六脈皆絕用

葱一束去根皮及青留白二寸烘熟安臍上
熨斗熨之葱壞卽易良久熱氣透入手足有
汗卽痊後服四逆湯數劑

忽然九竅流血

用

大薊一把絞汁酒半醖調炖服如無鮮大薊
卽用乾者取末釵三錢效

火珠瘡

其瘡始於髮中如珠相染不已用

生萊菔搗爛將滴醋浸敷

笑病不休

素問曰神有餘笑不休神心火也火得風則焰
笑之象也用

滄鹽一撮煨研河水煎沸啜之探吐熱痰數
升卽愈一婦人病此症半載張子和用此方

治瘡

眼睛突出

有出一二寸者以

新汲水灌漬睛中數易之自入

痘中有疔

或紫黑而大或黑壞而臭或中有黑線此症十

死入丸用

豌豆四十九粒燒存性頭髮灰三分眞珠十

四粒炒研爲末以油胭脂同杵成膏先以簪

挑疔破啞去惡血以少許點之卽時變紅活
色名四聖丹

喫飯直出

用

梔子二十箇微炒去皮水煎服

疫癘發腫

用

大黑豆二合炒炙甘草一錢水一盞煎汁時
時飲之夸堅志云靖康二年春京師大疫有
異人書此方於壁間用之立驗

眉毛動搖

目不能交睫喚之不應但能飲食用

蒜三兩搗汁調酒飲即愈

癰音品瘡如眼

上高下深顆顆壘垂如瞽眼其中帶青頭上各

露一舌毒孔透裡用

生井蛙皮燒存性研蜜水調敷

大腸蟲出

蟲出不斷斷之復出行坐不得用

鶴蝨末水調半兩服自愈

肉癥

思肉不已食訖復思用

白馬尿三升空心飲當吐肉愈不吐者死

睛垂至鼻

如黑角塞痛不可忍時時便血名肝脹用

羌活一味煎汁服數盞即愈

腦漏流膿 用

被瓢白雞冠花白螺螄

各燒存性

各等分入血竭

麝香各五分以好酒灑濕熟艾連前藥揉成餅貼頂門上用熨斗熨之以愈為度

舌卒腫大

滿口如猪脬狀急宜用

釜底煤和酒塗之

心漏

胸前有孔常出血水用

附子

炒去皮臍鹿茸

去毛炙黃

鹽花等分共爲末棗丸

梧子大每服三十九丸空心酒下

舌短不能伸

懸癰屬太陰厥陰心包絡令人寒熱舌不能伸

縮時出紅涕用

食鹽

煨

枯礬各等分研末湯調蘸點

小便溺五色石

溺前痛甚溺後稍快此石淋也用

熟地山萸肉澤瀉各三兩茯苓薏仁麥冬車
前子各五兩芡實八兩青鹽一兩肉桂三錢
共爲末蜜丸早晚湯下各一兩十日必愈

大腿腫痛堅硬如石

足繫梁上差可否則其疼如砍腫漸連臀不容
着席用

生甘草一兩白芍三兩水煎服卽效

食生米病

因食生熟物留滯腸胃遂至生蟲久則好食生米否乃終日憔悴不思飲食引

蒼朮米泔水浸一宿焙末烝餅丸梧子大每服五十九米飲下日三服

蟲食心痛

用

生地黃不拘多少取汁作飢飢食或冷淘食良久通利出蟲長尺許卽愈

恆效奇方
灸瘡出血

一人灸至五壯血出不止手冷欲絕用

黃芩二錢酒炒焙末酒服卽止

溺油

此疾田婦患泄瀉下惡如油鄰童以紙撚蘸然
與油無異醫不能療先生往視令買

補中益氣湯十劑天王補心丹四兩以煎劑
下丸服訖而愈醫問曰人驚恐則氣下大腸

脹損所致此婦必受驚後得疾詢之果力作
於場見幼子匍匐赴火驚而急救得免遂得
此疾

頭瘡出蛆

頭皮內時有蛆出用刀將頭皮挑破罽

蓀音絲瓜葉汁搽蛆出盡卽愈

貓眼瘡

遍身生瘡似貓眼有光采無膿血不甚痛癢久

怪疾奇方
則透脛名寒瘡多食

雞魚葱蒜韭自效

骨疽不愈

骨從孔中出愈而復發用

蕪菁子搗敷以帛裹定日一易之自愈

甲疽延爛

治甲疽或因修傷或因指嵌成瘡黃水浸淫五指俱煉醫不能治用

綠礬石五兩燒至煙盡研色如黃丹將甲先
以鹽湯洗拭用末厚敷帛裹當卽汁斷瘡乾
每日鹽湯濯洗敷末設痂乾痛塗酥令潤五
日痂脫仍依前洗敷十日痂痕嫩處或生白
膿卽擦破仍敷前末自愈張侍郎患此症臥
經六十日得此方如神

反花惡瘡

肉出如飯粒根深膿潰用

柳枝葉三斤水五升煎汁七升醵如飴日三

次塗之

指頭腫毒

用

烏梅肉和魚鮓搗封之卽愈

異疽似癰

有膿如小豆汁今日去明日滿用布袋包

藁薑搗置熱灰中煨熱更互熨之不過二三

次其膿卽消

火黃身熱

午後却涼身有赤點或黑點者不治宜烙手足
心背心百會下廉內服

紫草湯紫草吳藍一兩木香黃連一兩水煎
服

痘煉生蛆

用

嫩柳葉鋪席上臥之盡出卽愈

血痔潰出

一人舊有一痔偶抓破血出如線七日不止垂
死用

五靈脂末搽上卽止

婦人異疾

女人月事退出皆作禽獸之形欲來傷人以綿
塞陰戶頓服

沒藥末一兩白湯調下自愈

魚臍疔瘡用

菰瓜葉連鬚葱白韭菜等分同入石鉢內研
煉取汁以熱酒和服以渣貼腋下病在左手
貼左腋在右手貼右腋在左足貼左脛在右
足貼右脛在中貼心臍用帛縛住候肉下紅
線處皆白則散矣如有潮熱亦用此法却令
人抱住恐其顛倒則難救矣

兩足筋軟

不痿不痛不能舉步用

人參黃芪白芍薏仁虎骨龜板杜仲鐵華粉
等分煉蜜丸早晚服三錢自愈

產後舌出不收

用

丹砂敷舌暗擲盆盎墮地作聲驚之卽收

接舌金丹

被人咬落舌尖或過半者越一二日或半月用
狗舌一具依照切如人舌將病人坐椅上仰面
頭枕椅背用自己手拿住喉嚨則舌自伸出急

將狗舌蘸接舌金丹末接在病舌上一接住則
永不落矣金丹用

人參透明者生地龍齒各三錢冰片三分象皮

一錢土狗去頭翅三箇地虱卽小草鞋蟲二十箇先

將生地人參各末研細後將土狗地虱搗煉
入末和勻珮身三日乾研貯瓶聽用

麻骨

有自頂麻至心而死者有自足心麻至膝而死

者別無治法惟用

人齒

音矢

燒灰豆腐漿調服卽效

鬼擊身青

遍身作痛用

金銀花一兩水煎飲之

驚後瞳斜

小兒驚後瞳人不正者用

人參阿膠糯米炒成珠各一錢水一盞煎七

分溫服二劑卽愈

視物倒植

一人因大醉極吐熟睡至次早眼中視物皆倒
植醫者診其左關浮促遂用

瓜蒂藜蘆平旦吐之視物如常蓋傷酒吐時
上焦反覆致倒膽腑故視物皆倒法當復吐
以正其膽則愈

十指斷壞

手十指節斷壞惟有筋連蟲出如燈草狀名血
餘速以

赤茯苓胡黃連煎湯飲自愈

筋肉化蟲

有蟲如蟹走於皮下作聲如小兒啼爲筋肉之
化用

雷丸雄黃各一兩爲末灑猪肉上火灸食自
愈

蛟龍瘕

蛟龍子生於芹菜中食之入腹變成龍子用

錫糖粳米杏仁乳餅煮粥食三升日三服吐
出蛟龍子有兩頭可驗

雞瘕

一人有冷病已至五年醫診曰汝病非冷非熱
當是食白瀹雞子過多用

蒜一升煮服乃吐一物如升大涎裹子開看

怪疾奇方
則是雞雛翅羽爪距悉具能行走醫曰此尙
未盡令更服藥又吐如向者十三頭而安

遍身發癢

以錐刺之始快少頃又癢刀割流血知痛此孽
病也急速用

人參一兩當歸三兩荆芥三錢水煎服設無
參以黃芪二兩代之服三劑必效

遍身生疙瘩

內如核外似磨菇木耳狀年久必破出血而死
先用

蒼耳子草一斤荆芥苦參白芷各三兩水一
大鍋煎浴避風三日後用人參薏仁各一兩
白朮芡實各五錢茵陳白芥子半夏澤瀉黃
芩各三錢附子一錢水煎服十劑自消

背痛甄開

甄音裂人有背上忽然疼痛甄開一縫長尺許

醫問其病源云背先疼甚移時漸腫長尺許在背上醫用刀破其皮從中跳出一蛇其人驚絕用

人參一兩附子一錢半夏南星各三錢服之頓甦敷生肌散於患處而愈

頭大如斗

人忽頭面腫大如斗視人小如三寸飲食不進呻吟思睡此痰症也用

瓜蒂散吐之頭面腫卽消再吐之見人如故
後用六君子湯水煎服三劑全愈

頭角生瘡

當卽頭重如山次日變青紫三日青至遍身卽
死此病吞春藥者得之蓋春藥性最熱如陽起
石附子二味俱有大毒速以

金銀花一斤煎湯數十盃少解其毒再用金
銀花元參各三兩當歸二兩生甘草一兩煎

怪疾奇方
湯日服一劑七日瘡口始能收斂而瘥

心悶面赤

不能飲食此食腥有蟲在腹也用

人參半夏甘草各三錢黃連陳皮各一錢瓜
蒂七箇服之吐蟲數升皆赤頭魚尾必須戒
酒斷腥乃愈否則三年後必死

腹似坐胎

腹中高大宛似坐胎形容憔悴此鬼胎也用

紅花半斤大黃五錢雷丸三錢水煎服頃瀉
出血塊如雞肝者數百片而愈後用六君子
湯調治自然復原

腹脇間忽長鱗甲

婦女多患此症男子亦間有之蓋孽龍化人形
與婦人交卽成此症男子與龍合亦然治稍遲
人將變爲龍矣法宜用

雷丸大黃白礬鐵衣雄黃各三錢研末棗肉

卷之六
三
丸黃酒送下三錢卽便下如人精樣一盃胸
中便覺開爽再服三錢鱗甲盡落

肚臍忽長似蛇尾形

臍口忽長出二寸似蛇尾形不痛不癢胗任帶
脈知痰氣壅滯結成此病法當用

硼砂冰片麝香各一分兒茶二錢白芷雄黃
各一錢研末刺似尾出血其人昏瀕欲死

以藥末罇上立刻化爲黑水隨煎服白芷三

錢自愈

腰長肉痕如帶

帶圍至臍不痛不癢氣血枯槁飲食漸減此乃過於房事腎經與帶脈不和始生此病似非大病而病甚篤法當用

熟地山萸肉各一斤杜仲山藥各半斤白朮一斤白芍六兩白朮肉炒破故紙當歸車前子各三兩共爲末蜜丸每早晚各服一兩服

完一料自愈然必忌房事三月否則無生

溺從肛出齒從腎出

此暑熱之症用

車前子三兩煎湯三盃一氣服完卽愈

腸胃作癢

抓撓不着無地自容此火結不散之症用

柴胡黑山梔天花粉各三錢白芍一兩甘草

一錢水煎服卽愈

胃腕作痛

受饑更甚尤畏寒涼用

大蒜搗汁三兩灌吐蛇一條長三尺而愈

指縫流血

其中有小蟲如蜉蝣鑽出少頃飛去此濕熱帶風邪而生蟲也用

黃芪薏仁熟地各五錢當歸白芍茯苓白朮甘草各三錢人參柴胡荆芥川芎各一錢水

煎服四劑指甲完好如初

手面現蛇形

痛不可忍乃蛇乘人睡在身上交感生此怪病服湯藥不效必刀刺出血如墨汁外搽

白芷末稍愈明日刺搽如前其形自化也先刺頭後刺尾不宜亂刺

手掌凸起

忽高起寸餘不痛不癢此陽明經火鬱於腠理

水壅於皮毛也當用

附子一個輕粉一分煎湯漬至十日後知痛
再漬作癢又漬而凸者自平矣

手指甲盡脫

此症不痛不癢乃腎經火虛房事後涼水洗手
而成用

六味地黃湯加柴胡白芍骨碎補治之而愈
手足皆脫不死

此乃患傷寒症過飲涼水遂四肢受病宜用

薏仁三兩白朮一兩茯苓二兩車前子五錢

肉桂一錢水煎服一連十劑小便大利卽救

皮膚手足間如蚯蚓唱歌聲

此水濕生蟲也用

蚯蚓糞水調敷患處厚一寸其鳴卽止再用

薏仁芡實各一兩白朮五錢生甘草三錢黃

芩三錢附子三分防風五分水煎服卽愈

脚肚長肉如瘤

似肉非肉似瘤非瘤按之卽痛欲死此脾經濕氣結成法當補脾消濕內外夾攻用

白朮芡實薏仁各一兩澤瀉五錢人參茯苓
車前子白芥子白礬草薺各三錢牛膝半夏
陳皮各二錢水煎服二劑後用蚯蚓糞炒一
兩黃栢炒五錢兒茶三錢水銀一錢冰片麝
香各五分硼砂一分共研至不見水銀爲度

醋調敷患處卽消

脚板忽生二指

痛不可忍此乃濕熱結成先用刀輕刺患處水
出血流速用

硼砂一分人參一錢冰片三分瓦松一兩共
爲末灑上俟血盡爲度三日痛亦稍止再用
薏仁一兩白朮五錢人參生甘草牛膝川芎
薛白芥子各三錢半夏一錢水煎服四劑自

瘡外用岐天師膏藥加生肌散敷收功

後附岐天

師膏藥方

金銀花

一斤

人參

茜草根

各五錢

生地

八兩

牡丹皮

牛膝

生甘草

荆芥

各一兩

元

參

五兩

當歸

麥門冬

黃

芪

各三兩

川芎

二兩

用蘇油五觔煎數沸瀘去渣再熬成珠入廣

木香乳香沒藥血竭各一兩象皮五錢麝香

一錢黃丹二觔

水飛去砂

各乳細入油中稍煎攪

勻藏瓷罐內每量瘡大小用膏攤貼

脚板色紅如火

不能着地經年不愈此乃過用房術火聚脚心
法當內消作外症治必煉脚板宜用

熟地三兩麥冬元參釵斛各一兩山萸肉茯
苓甘菊花各五錢丹皮牛膝車前子澤瀉各

三錢萆薢二錢水煎服十劑卽消二十劑全愈切須戒房事三月犯者必復發而死

唇瘡生牙

唇上生瘡久則瘡口中生牙此七情憂鬱火動也用

生地當歸白芍柴胡各三錢天花粉二錢黃連黃芩川芎各一錢白朮十枚煎服再用冰片真僵蠶各一分黃柏炒三錢研末摻牙自

消

心窩外生瘡如蟹大

變成數口能作人聲此憂鬱不舒而崇憑之也
用

金銀花生甘草各三兩人參五錢茯苓神白礬
各三錢水煎服二三劑即愈

乳懸

婦人產後兩乳伸長細小如腸垂過小腹痛不

可忍名曰乳懸宜速用

川芎當歸各二觔以半觔剉末水煎不拘時
服餘觔半剉大塊入爐慢火燒烟安置桌上
令病人伏桌上燻乳將口鼻吸烟氣定縮設
藥力未到仍如前法先服後照燻吸若兩料
已盡兩乳雖縮不能如舊卽用冷水塗草蓀
子末於頂心片時洗去全安終身忌食豆

無故見鬼

如三頭六背或如金甲神或如斷手無頭鬼或
黑或白或青或紅之狀皆怪疾也用

白朮蒼朮各三兩半夏大戟山茨菇各一兩
南星三錢附子一錢共爲末加麝香一錢做
成餅約重二錢再加玉樞丹一粒薑湯化服
必吐頑痰而愈

山魃木客作祟

以及狐狸蟲蛇附身作祟用

生桐油搽下身不便處最妙或以本人褲子包頭妖則大笑而去永不再犯嫌其不潔也

麻藥

患癰疽及無名腫毒敷此藥任用刀鍼不痛以川烏草烏生半夏生南星各五錢蟾酥四錢胡椒一兩一方加華菝五錢一方加細辛一兩研末燒酒調敷備錄聽用

補缺唇

用

蟹燒二錢乳香沒藥去油各二分半熟水和塗

卽生肉

人面瘡

發明條下頰曰貝母治惡瘡唐人記其事云江
左嘗有商人左膊有瘡如面亦無他苦商人戲
以酒滴口中其面赤色以物食也亦能食多則
膊內肉脹起或不食則一臂痺焉有名醫教其
歷試諸藥金石草木之類悉無所苦至

貝母其瘡乃聚眉閉目商人因以小葦筒毀其口灌之數日成痂遂愈然不知何疾也本經言主金瘡此豈金瘡之類與

菌從口出

用

推車客焙灰黃酒冲服自愈

婦人經水逆行

服

韭汁自愈

鼻出紅絲

用

活蝦數枚搗餅托紅絲徐徐縮入

舌出不能入

用

葶蘇油蘸紙作撚燒烟燻之即收一方用雄

雞冠血塗亦效

舌尖咬禿

用

製鉛

以狗頭一具入鉛一觔於腦中外用鹽泥封固燒紅候冷定取出鉛用一錢化

研

水銀

研

五分沒藥

灸

三分礬砂分半寒水

石四分輕粉一分雄黃一分共研末先以米

泔入連鬚葱頭煎水嗽吐以綿胭脂吸乾
上水再敷藥立長如舊急拭去藥遲恐太長
必用黑狗頭製之

盤腸濕熱二方

用

紫芥菜鰲水傾桶內坐燻得汗卽愈

又方

用

地膚子

卽淮地所生竹筴箒
上秋結之子乃真

取陰陽瓦焙存

性臘黃酒沖露一宿次早儘量溫服後臥蓋

厚被得汗卽愈

食螺成瘕

鴨數隻喂飽倒懸取涎飲之卽消

腹内生瘡不可治

用

皂角刺不拘多少黃酒一甕煎至七分溫服
膿血從小便出卽愈

疔走黃二方

此不治之症予得此方曾活一人附梓於此以

濟萬一二方同時並用

蟾酥銀硃雄黃各等分研棗肉丸棗豆大胡椒煎湯磨鐵銹少許沖入調一九灌

又方

槐子炒黃陳石灰各末等分雞子

陰陽易

女傷寒後男與之合遂病拘急手足拳腹痛欲死名曰陽易男傷寒後女與之合遂病拘急手

足拳腹痛欲死名曰陰易俱宜速汗經四日不可治矣用

乾薑四兩爲末每用半兩白湯調服覆被出汗手足伸卽愈

初生無皮二方

赤色但有紅筋乃受胎米足抑孕時皆樓居也
用

早白米 得午火
運多 研粉撲之肌膚自生

又方

土狗

卽蝮
蝮

焙灰灑之亦效

慢驚

用

小金色咋蟬和硃砂搗汁調塗週身穴道

痺病

風寒濕三氣合而爲痺走注疼痛或臂腰足膝
拘攣兩肘牽急乃寒邪湊於分肉之間也方書
謂之白虎歷節風治法於痛處灸五十壯自愈

湯藥不效惟此法最速若輕者不必灸用

草烏末二兩白麩二錢醋熬攤白布上乘熱
貼患處一宿而愈

身如蟲行

風熱也用

大豆水潰絞漿旦旦洗之或加少麩沐髮卽
愈

嚙虱成癩

山野人好嚙虱誤入腹生長爲癥覓

敗梳篦各一枚各分作兩股以一股燒研一
股用水五升煮取一升和服下卽出

天火熱瘡

初起似沸漸如水泡似火燒瘡色赤能殺人以
蓼藎葉擣汁調大黃芒硝生鐵衣等分塗

火赫毒瘡

此患急防毒氣入心腹用

枸杞葉搗汁服卽瘥

烟燻欲死

有人逃難入石窟中賊以烟燻之垂死摸得

蘿蔔菜一束嚼汁咽下卽甦